

V. A TERTIANA CONTINUA, cum quâ magnam habet familiaritatem & cognationem, ut etiam *Sennertus libr. 2. de febris cap. 11.* ardentem propriè dictam esse continuam tertianam, quæ ex sincerâ bile oritur, dicat, unamque curationem hisce duabus febris præscribat *cap. 12.*

Galenus libr. 1. epidem. sect. 2. textu 20. & libr. 2. de crisi cap. 3. hanc facit distinctionem, quòd ardens & tertiana quidem conveniant quoad materiam; locus autem, quò materia generetur, non sit idem. Ardenti in febre sunt vasa jecoris & ventriculi, ubi bilis maximè abundat; in tertianâ verò totius corporis carnes bile nimis abundant.

Verùm ipse *Galenus* variis in locis suum assertum vile reddit, dum modò hanc, modò illam pro focò causi agnoscit partem. Videtur ergò causus in eò differre à tertianâ continuâ, quòd causi materia putrescens latitet in vasis cordi propinquis; tertianæ verò continuæ in aliis vasis à corde remotioribus.

VI. A MALIGNA quomodo distinguatur, præcedente indicatum capite.

DIFFERENTIARUM etiam signa consideranda. In SIMPLICI LEGITIMA ardor maximus, lingua non solùm arefcit, sed etiam nigrescit. In SPURIA non tanta symptomatum vehementia, lingua arefcit tantùm à fuliginibus non adeò exustis. COMPOSITA σύννοχος καυσώδης, vel καυσῶσ συνοχής, diversis ex signis dignoscuntur.

Ardens CONTINUA unicâ tantùm invasione cognoscitur. PERIODICA, etiamsi non declinet, tamen singulis vel alternis diebus leves quasdam patitur exacerbationes.

CAPUT XXI

spurix ardentis signa allegat.

Spurix seu illegitimæ signa comprehenduntur uno fasciculo à *Scod comm. 4. περὶ τῆς τῶν ὀξέων διαίτης l. 13. & sequentibus. Κορίνη ὑπόχρου, alius soluta est, commune cum legitimâ sympto-*
ma